



Inatsisartuni ilaasortaq, Steen Lyngge, Demokraatit  
Maani

### **§ 37 naapertorlugu apeqqummut nr. 129/2019-imut akissut**

Inatsisartut suleriaasianni § 37 imm. 1 naapertorlugu qarasaasiakkut umiarsuup allattaaveqarneq pillugu apeqquteqarputit. Apeqqut uanga suliaasaqarfigisannit akineqartussanngorlugu innersuunneqarpoq.

18-03-2019  
Suliap normua: 2019 - 7280  
Allakkat nr. 10335563

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

#### **Apeqqut 1:**

**Sooruna qarasaasiakkut umiarsuup ingerlarnanik nalunaarsuiviit Kalaallit Nunaanni atorneqanngitsut?**

Akissut:

Inatsisilerineq, qarasaasialerineq, piginnaasanik ineriartortitsineq kiisalu nunat marluk arlallilluunniit akornanni isumaqatigiissutit eqqarsaatigalugit qarasaasiakkut elektroniskimik umiarsuit allattaaveqalernissaq pillugu aningaasaliineruvoq annertoq. Pingaaruteqarpoq aaqqiinissaq pisariaqartitsineq tunngavigalugu ingerlanneqartariaqartoq atuutilersitsinerup kinguninngua annertuunik aningaasaleeqqittoqannginnissaa pinaveersaartittariaqarmat.

Nunat tamalaat akornanni isumaqatiginninniarnit ingerlasimasut umiarsuup allattaaviini paasissutissanik paarlaaqatigiinnermi ataatsimoorussamik assigiiarinissaq qulakkeerniarlugu, aamma minnerunngitsumik suut ilanngunneqassanersut ilimagisamit ajornarnerusimaqaaq suliallu ingerlannera arlaleriarluni kinguartinneqartarsimavoq. Aatsaat november 2018-imi Atlantikup avannaata kangiani aalisarnermut ataatsimiititaliarsuarmi, NEAFC-imi, pituttuisumik malittarisassiortoqarpoq, qanoq suullu ilanngullugit nalunaaruteqartarneq isikkoqassanersoq. NEAFC-imi 2019-ip asaanerani aaqqissuussap atuutilersinneqarnissaa eqqarsaatigalugu suleqatigiissitaq 2019-imi upernaakkut suliaqassaaq atuutilersitsinermi aalajangersakkat naammassiniarlugit. Tamatuma kingorna NEAFC-imi ilaasortanut tamanut ukiunik marlunnik aaqqissuussap atuutilersinneqarnissanut periarfissiisoqassaaq. Tamanna isumaqarpoq Naalakkersuisoqarfiup naatsorsuutigigaa 2019-ip ingerlanerani nakkutilliinermik nalunaarut nutarterneqassasoq, taamaalilluni inatsisitigut tunngavissaq inissinneqassammat aamma aaqqissuussaq misilittarneqareersoq isumaqatigiissummut aaljangiussamut tul-

luarsarneqassasoq. Naatsorsuutigineqarpoq ukiuni tulliuuttuni nunat marluk akornanni isumaqatigiissusiortoqassasoq Atlantikup avannaa tamakkerlugu nunat tamat akornanni ataatsimoorussamik assigiiaagaq tunngavigalugu.

### **Apeqquut 2:**

**Paasisakka naapertorlugit umiarsuup ingerlarnanik nalunaarsuivimmik kalaallit nunaannut immikkut tulluussakkamik ineriartortitsilluni suliaq 2009-mili ingerlasimasoq, manna tikillugut qanormita akeqarsimava?**

Akissut:

Qarasaasiakkut umiarsuup allattaavii Kalaallit Nunaanni atuutilersinniarneqartoq, aallaavittut qarasaasiakkut ingerlanneqartussa ineriartortinneqarpoq EU-mi niuerfimmuut naleqqussarlugu aamma Kalaallit Nunaanni inatsisiliorneq eqqarsaatigalugu piumasaqaatit amerlanerpaat naammassillugit. Kalaallit Nunaanni inatsisiliornermut immikkuullarissuut naleqqussaannissaq pisussaassaaq.

Aaqqissuussaq akeqarpoq 1.538.000 koruuninik, ukiumullu ikiorteqarneq aserfallatsaaliinerlu pisinermi akiliutigineqartut 25 procentiannik annertussuseqarluni. Tamatuma saniatigut KANUAANA kalaallit nunaanni inatsisiliornermut, ikkutsinneqarneranut, paasissutissanik katersuivimmuut pioreersumuut ilanngutitinneqarneranut, sulisunik ilinniartitaanermut, il.il. ataasiarluni akilerneqartumik 450.000 koruuninik akiliuteqarpoq. Akit najoqqutaralugit aaqqiinerit malillugit akuersissuteqarnermut akiliut 2017-imi 432.000 koruuniupput, taakkununga qaavatigut ilanngunneqassapput inuttat allattorsimaffiinik aserfallatsaaliineq, aamma immikkut attaveqatigiinnikkut assigiiaarinerit marluk (Norgemut EU-mullu) aaqqissuussami ilangunneqareersut ataatsimut akeqartut 306.000 koruuninik. Attaveqatigiinnermut assigiiaarinermik aalajangiisoqarneratigut naatsorsuutigineqarpoq ilanngunneqartussat kingulliit ilanngarneqassasut, tamatuma kingorna attaveqatigiinnermi periaatsit amerlanerusut pisariaqartinneqassanngimmata.

KANUAANA-p qarasaasiakkut umiarsuup allattaavii taamaallaat misilerarlugu ingerlannikummagu taamaattumillu annikitsumik ikiorteqarneq atornikuullugu, qarasaasiami programmimik pisiortorfiup aaqqissuussaq piumasaqaatinut nutartikkanut, inatsisiliornermut nunallu tamat akornanni assigiiaarineq malillugit, naleqqussarnissaa ikiorteqarnermi atorneqanngitsoortunit akilerneqassasoq. Taamaattumik naatsorsuutigineqanngilaq pilersaarutip naammassilernerani anertunerusumik aningaasartuuteqarnissaq.

### **Apeqquut 3:**

**Neriorsuutigineqarnikuuvoq umiarsuup ingerlananik nalunaarsuivik 2017-mi atortussanngortinneqarumaartoq. Soormita tamanna suli pisimangila?**

Akissut: Apeqqummut nr. 1-imut akissut innersuussutigineqarpoq.

**Apeqquut 4:**

**GLFK-mi sulisut qassimmita ullutsinni umiarsuup ingerlananik nalunaarsukkanik immiussillutillu suliaqartarpat aamma taamatut suliaqarneq qanormita aningaasartuutaava?**

Akissut:

Qarasaasiakkut umiarsuup allattaaveqarnerup taarsissavaa nalignnaasumik suleriaaseqarneq nalunaarutininik umiarsuullu allattaaviinik katersilluni ikkussuillunilu sulisarneq angallatit angissusaaq malillugit. Angissuseq taanna naalakkersuisunit aalajangiiffineqassaaq.

Angallatiniit nalunaarutininik aamma umiarsuup allattaaviinik pappiaqqanik pingaarnertut suliaqartartut suleqatit amerlassusissaannut apeqqutaavoq qarasaasiakkut umiarsuup allattaaviinik ingerlatsinissaq eqqarsaatigalugu naalakkersuinikkut angallatip angissusaa pillugu qanoq aalajangiisoqassanersoq, kisianni KANUAANA-p naatsorsuutigaa sulisut marluk pingasulluunniit ukiumut sularisinnaasaatut amerlatigissasut. Qarasaasiakkut umiarsuup allattaaveqarnerup atuutilersinniarnarata siunertaraa paasissutissat inatsisit malillugit pissarsiari-neqartarnerat pitsaassusaallu pitsanngortinnissaat isumalluutillu paasissutissat sularineqartarneranniit qarasaasiakkut umiarsuup allattaaviinik atuisunik sullis-sinermut aamma pitsaassusaannik qulakkeerinninnermut illikartinnissaat. Taakku peqatigalugit naatsorsuutigisariaqarpoq qarasaasiakkut umiarsuup allat-taaveqarneq ukiuni tulliuttuni aalisarnermik isumaqatigiissusiornermi aamma nunat tamat akornanni aalisarnermi pinngitsoorneqarsinnaassanngitsoq. Kalaallit Nunaanni aalisariutini angallatit amerlassusaaq eqqarsaatigalugit naatsorsuutigi-neqarpoq sulinerup tamakkiisup aningaasartuutit tamakkiisut annikillisis-sanngikkaat.

**Apeqquut 5:**

**Sunamita pissutaava Kalaallit Nunaata nammineq umiarsuup ingerlananik nalunaarsuivimmik ineriartortitserusussimaneranut atortumik ineriartortinneqareersimasumik pisiassaareersumillu pisinani?**

Akissut: Apeqquummut nr. 1-imut akissut innersuussutigineqarpoq.

**Apeqquut 6:**

**GFLK-mi IT-mi atortunik ineriartortitsinermut Namminersorlutik Oqartussat ukiut qulit kingulliit ingerlanerini qanormita aningaasartuute-qarsimava aamma suliat suummita ineriartortinneqarsimappat?**

Akissut:

KANUAANA qarasaasialerinnermut tunngassuteqartunik suliassanik assigi-inngitsunik amerlasuunik isumagisaqarpoq. Suliassat pineqartut tassaapput aalisarneq pillugu paasissutissanik katersuiffimmik aamma qaammataasat ator-

lugit aalisariutitik nakkutilliinermik ingerlatsinermut aserfallatsaaliinermullu tunngassutillit, CPR registerimut attaveqarneq, annessinissaq pillugu akuersissutitik ingerlatsineq ineriartortitsinerlu kiisalu Aalipimik, sinerissap qanittuani aalisarsinnaanermik qinnuteqaatit suliarineqartarneri akuersissutinillu atuutilersitsisarneq, nammineq immersuinissamut nittartakkap ingerlanneqarnera ineriartortinneralu. Tamatuma saniatigut aamma alapernaarsuisut nalunaarusiortarnerannik ingerlatsineq ineriartortitsinerlu.

Aningaasartuutit qulaani taaneqartut saniatigut (takuuk apeqqummut 2-mut akissut), KANUAANA-p qarasaasialerinemik aningaasartuutai pillugit ersarisumik akissuteqarnissaq ajornakusoorpoq. Ingerlatsinermut aserfallatsaaliinermullu Namminersorlutik Oqartussanut/KANUAANA-mut ukiumut 3,2 aamma 3,6 miliuuninik koruuninik akeqartarpoq. Suliassat saniatigut ingerlanneqartartut, soorlu nalunaarusianik assigiiaakkanik ineriartortitsineq, naalackersuinikkut suliniutit nutaat il.il. ukiumut tusintillit 400-niit 600-t koruunit missiliorlugit akeqartarput. Qarasaasialerinermit nutarterinermut ataasiaannartumik akilerneqartartut ukiumut tusintillit 350-it missaanni koruuninik amerlasuseqarput.

KANUAANA-p aalisarnermi paasissutissanik katersuivik aamma qaammataasat atorlugit aalisariutitik nakkutilliivik ingerlatarei, aserfallatsaaliiorlugit aamma ineriartortillugit kiisalu suleqatit sulinerminni nakkutiginninnermilu paasissutissanik katersuivik allaffissornikkut aqutaralugu. Maannakkut sulisorisat ullumikkut nalunaarutitik umiarsuullu allattaaviinik isumaginnittut piffissaq ungasinnerusoq eqqarsaatigalugu qarasaasiakkut umiarsuup allattaaveqalernermut ikaarsarnermut atatillugu suliassanik nutaanik ilanngussaqaassapput. Suliassat nutaat kingunerissavaat soorlu qarasaasiakkut umiarsuup allattaaveqarneranni ikiorteqartitsineq aamma pitsaassusaanik qulakkeerineq.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalackersuisoq





28-02-2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

- 1. Sooruna qarasaasiakkut umiarsuup ingerlarnanik nalunaarsuiviit Kalaallit Nunaanni atorineqanngitsut?**
- 2. Paasisakka naapertorlugit umiarsuup ingerlarnanik nalunaarsuivimmik kalaallit nunaannut immikkut tulluussakkamik ineriartortitsilluni suliaq 2009-mili ingerlasimasoq, manna tikillugut qanormita akeqarsimava?**
- 3. Neriorsuutigineqarnikuvoq umiarsuup ingerlananik nalunaarsuivik 2017-mi atortussanngortinneqarumaartoq. Soormita tamanna suli pisimangila?**
- 4. GLFK-mi sulisut qassimmita ullutsinni umiarsuup ingerlananik nalunaarsukkanik immiussillutillu suliaqartarpat aamma taamatut suliaqarneq qanormita aningaasartuutaava?**
- 5. Sunamita pissutaava Kalaallit Nunaata nammineq umiarsuup ingerlananik nalunaarsuivimmik ineriartortitserusussimaneranut atortumik ineriartortinneqareersimasumik pisiassaareersumillu pisinani?**
- 6. GFLK-mi IT-mi atortunik ineriartortitsinermut Namminersorlutik Oqartussat ukiut qulit kingulliit ingerlanerini qanormita aningaasartuuteqarsimava aamma suli at suummita ineriartortinneqarsimappat?**  
(Inatsisartunut ilaasortaq Steen Lyngé, Demokraatit)

#### **Tungavilersuut**

Uku apeqqutit Inatsisartuni ilaasortaasimasup Michael Rosingip januarimi 2017-mi apeqqutigisimasaanut malitseqartitsinerupput (24/2017).

Umiarsuup ingerlarnanik nalunaarsuivimmik suliaqarnermut atatillugu susoqarsimarpasinngimmat pissusissamisoortutut isigaara Naalackersuisut tusarniaavigissallugit umiarsuup ingerlarnanik nalunaarsuivik 2017-mi atulertussatut neriorsuutigineqarsimasoq sooq suli atorineqarlersimannginnersoq. Tamatuma saniatigut tusarpara GFLK-mi allanik IT-mi atortussanik angisuunik suliaqartoqartoq, taakku suunersut paaserusuppakka aamma qanoq aningaasartuutaasimanersut paasiniallugu aningaasartuutaasimasut nakkutilliinermut pisariaqartitsinitsinnut tulluunnersut.

Ullut sulliviit qulit naliginnaasut iluanni apeqqutinnut akissutit tiginissaannut qilanaarpunga.



28-02-2019

I medfør af § 37 stk. 1 i Forretningsordenen for Inatsisartut fremsætter jeg følgende spørgsmål til Naalakkersuisut.

**Spørgsmål til Naalakkersuisut:**

- 1. Hvorfor er der ikke indført en elektronisk logbog i Grønland?**
- 2. Hvad har udviklingen af den særlige grønlandske logbog, som jeg har forstået, har pågået siden 2009, kostet indtil nu?**
- 3. Logbogen blev lovet færdig til implementering i 2017. Hvorfor er dette endnu ikke sket?**
- 4. Hvor mange ansatte i GFLK er i dag beskæftiget med indtastning og bearbejdning af logbøger, og hvad er de årlige omkostninger til denne funktion?**
- 5. Hvorfor har Grønland valgt at udvikle sin egen logbog fremfor at købe et af de systemer der allerede er udviklet?**
- 6. Hvor store omkostninger har Selvstyret afholdt til udvikling af IT-projekter i GFLK gennem de seneste 10 år, og hvilke projekter er der tale om?**

(Medlem af Inatsisartut Steen Lyng, Demokraterne)

**Begrundelse**

Disse spørgsmål er en opfølgning på daværende medlem af Inatsisartut Michael Rosings spørgsmål i januar 2017 (24/2017).

Da der tilsyneladende intet er sket omkring logbogen finder jeg det relevant at høre Naalakkersuisut om hvorfor den elektroniske logbog, der blev lovet implementeret i løbet af 2017, endnu ikke er blevet implementeret. Derudover hører jeg, at GFLK har andre store IT-projekter, som jeg dels gerne vil have et billede af hvilke omkostninger der er forbundet hermed, for at kunne vurdere om omkostninger står mål med det behov for kontrol vi har.

Jeg ser frem til at få svar på mine spørgsmål i løbet af ti arbejdsdage.